

# Powšitkowne WOZJEWJENJA

njedźelu, 26. měrca 2017

## Přiležnosć k swjatej spowědži w Róžeńće

<b>sobotu, 1. apryla</b> 17.00 - 18.00 hodź.	farar M. Anders, farar G. Nawka, farar T. Dawidowski, farar B. Jakubaš
<b>sobotu, 8. apryla</b> 17.00 - 18.00 hodź.	farar M. Anders, farar W. Sćapan, farar D. Dzikiewicz, farar B. Jakubaš
<b>póndźelu, 10. apryla</b> 18.30 - 19.30 hodź.	farar M. Anders, farar D. Dzikiewicz, kapłan G. Malinowski, farar J. Magiera
<b>wutoru, 11. apryla</b> 18.30 - 19.30 hodź.	farar M. Anders, farar M. Nawka, farar G. Nawka, farar St. Börner

## Putnikowanje swójbow do Róžanta

Putnikowanje swójbow ze serbskich wosadow do Róžanta budže pjatu póstnu njedźelu, 2. apryla. Božu mšu w hnadownej cyrkwi w 9 hodź. změje farar Měrčin Delerńk. Lětuše hesło rěka „Jězus - mój přećel“.

## Maćična akademija

Dr. Theresa Jacobsowa, wědomostna sobudželaćerka Serbskeho instituta, přednošuje štwórtk, 30. měrca, w 19.30 hodź. w Budyskim hosćencu „Wjelbik“, Žitna 7, na temu „Serbska ludowa reja – imaterielne kulturne herbstwo“. Wšitcy zajimcy su wutrobnje přeprošeni.

## Zhromadny dzeń za 7. a 8. lětnik

Pod hesłom „TY pokazaš nam puć!“ přeprošuje dekanatne dušepastyrstwo šulerki a šulerjow 7. a 8. lětnika sobotu, 8. apryla, wot 9.00 do 14.00 hodź. do Don Boskoweho domu we Worklecach. Na tutym dnju maja wobdźělnicy mjez druhim přiležnosć, přiji-mać sakrament wujednanja. Zajimcy njech so prošu hač do wutory, 4. apryla, pod telefonowym čisłom (03 57 96) 8 87 07 we Worklecach přizjewja. Za wudawki dnja zběra so wot kóždeho wobdźělnika přinošk, kotryž wučinja 4 eura.

## Zhromadny dzeń za 1. a 2. lětnik

Pod hesłom „Jězus z mrtwych stanył je, haleluja!“ přeprošuje dekanatne dušepastyrstwo dźěći 1. a 2. lětnika štwórtk, 20. apryla, wot 9 do 15 hodź. do Don Boskoweho domu we Worklecach. Zajimcy njech so prošu hač do wutory, 11. apryla, pod telefonowym čisłom (03 57 96) 8 87 07 we Worklecach přizjewja. Za wudawki dnja zběra so wot kóždeho wobdźělnika přinošk, kotryž wučinja 4 eura.

## W lětnich prózdninach do Sakskeje Šwicy

Dekanatne dušepastyrstwo přeprošuje šulerki a šulerjow wot 6. do 8. lětnika wot 17. do 20. julija na zhromadne dny w Rosenthalu-Bielatalu. Nadrobniše informacije nańdžeće na wupowěsnjenych plakatach w serbskich wosadach kaž tež pod [www.posol.de](http://www.posol.de).

## **Bratrowstwo hraje w Budyšinje, Konjecach a Kulowje**

Dźiwadłowa skupina Bratrowstwa zahraje swoju komediju „Jědžk a lěnjoch“ tutu njeźelu, 26. měrca, w 16.30 hodź. w Serbskim domje w Budyšinje (ze simultanim přeložkom) a sobotu, 1. apryla, w 19 hodź. w Konjecach. Poslednje předstajenje budže njeźelu, 2. apryla, w 17.30 hodź. w Starym dwórnišću w Kulowje (ze simultanim přeložkom). Zajimcy su wutrobnje přeprošeni.

## **Nóčne modlenje**

Lubi młodostni,  
tež lětsa přeprošujemy was wutrobnje na nóčne modlenje sobotu, 1. apryla, w 21 hodź. do Wotrowa.

Was wočakuja

- wšelake duchowne impulsy kołowoło ekumeny w třoch jednotkach
- modlitwa Taizé
- přiležnosć k swjatej spowědži a spowědnej rozmołwje

Nóčne modlenje skónči so z Božej mšu w 00.00 hodź.

Kóždemu samemu je přewostajene, kak sej wječor časowje zarjaduje. To rěka, zo je móžno, přez cyły čas přitomny być abo po swojim dobrozdaću přińć a woteńć. Wjeselimy so jara na Was!

*Farar Gabriš Nawka, Lucija a deka-kružk*

## **Křižowy puć**

Bołmončku, njeźelu, 9. apryla, chcemy so w Njebjelčicach křižowy puć modlić. Zetkamy so w 14 hodź. při cyrkwi. Přeprošujemy wšitkich młodostnych, křižowy puć sobu kročić. Kóžda wosadna młodžina njeh přinjese prošu swoju dekanatnu młodžinsku chorhoj sobu.

*Farar Gabriš Nawka, Lucija a deka-kružk*

## **Póstny wopor**

Z lětušim póstnym woporom podpěruje dekanatna młodžina projekt w Indiskej. Wobalki k tomu su w cyrkwjach wupožene. Młodostni móža swój dar na wšitkich kemšach, nóčnym modlenju, křižowym puću a při modlitwje wespery wotedać.

## **Reformacija a Serbja**

Wliw reformacije specielnje na Serbow předstaja nowa wustajeńca w Budyskim Serbskim muzeju. Ju wotewru tutu njeźelu, 26. měrca, w 15 hodź. Wustajeńca pod hesłom „Pjeć lětstotkow. Serbja a reformacija“ wostanje hač do njeźele, 27. awgusta, přistupna.

Knižna premjera zwjazka wo reformaciji „Pjeć lětstotkow. Serbja a reformacija“ z wuda-wačelom, serbskim superintendentom Janom Malinkom, wotměje so wutoru, 28. měrca, w 19.30 hodź., w farskim domje Budyskeje Michalskeje wosady, Serbski kěrchow 1. W Ludowym nakładnistwje Domowina wušła kniha so hač do kónca meje za potuńšenu plaćiznu poskičuje.